



Универзитет "СВ. КИРИЛ И МЕТОДИЈ"
ФИЛОЗОФСКИ ФАКУЛТЕТ
Бр. 10-1139
08-05 2014 год
Скопје



Na osnovu Dogovora o međusobnoj saradnji između Univerziteta "Sv. Kiril i Metodij" u Skoplju, Republika Makedonija i Univerziteta u Sarajevu, Bosna i Hercegovina

1. **Filozofski fakultet pri Univerzitetu "Sv. Kiril i Metodij" u Skoplju, Republika Makedonija** (u daljnjem tekstu: Fakultet), sa sjedištem u Skoplju, Bulevar "Goce Delčev" br. 9a, predstavljan od prof. dr. Gorana Ajdinskog, Dekana Fakulteta i
2. **Fakultet za kriminalistiku, kriminologiju i sigurnosne studije pri Univerzitetu u Sarajevu, Bosna i Hercegovina**, (u daljnjem tekstu: Fakultet), sa sjedištem u Sarajevu, "Zmaja od Bosne" br. 8 (Kampus), predstavljan od Dekana prof. dr. Nedžada Korajlića, zaključuju

MEMORANDUM O NAUČNO-OBRAZOVNOJ SARADNJI

Potpisan dana : 15. 05. 2014. godine, u SARAJEVU

Vodeni željom i potrebom za uspostavljanjem međusobne saradnje u oblasti obrazovanja i nauke,

Spremni na efikasnu saradnju koja će doprinijeti razmijeni iskustava i kadrova iz oblasti sigurnosti,

Potvrđujući zajedničko zalaganje i interes za unaprijeđivanjem saradnje u oblasti edukacije i obuke kadrova iz oblasti sigurnosti,

Shodno pozitivnom zakonodavstvu Republike Makedonije i Bosne i Hercegovine, Filozofski fakultet – Skoplje, pri Univerzitetu "Sv. Kiril i Metodij" u Skoplju i Fakultet za kriminalistiku, kriminologiju i sigurnosne studije pri Univerzitetu u Sarajevu, Bosna i Hercegovina, saglasili su se o slijedećem:

Oblast saradnje

Član 1.

Predmet Memoranduma su uvjeti uspostavljanja partnerskih odnosa između strana Filozofskog fakulteta pri Univerzitetu "Sv. Kiril i Metodij" iz Skoplja i Fakulteta za kriminalistiku, kriminologiju i sigurnosne studije pri Univerzitetu u Sarajevu, u obrazovnoj, metodskoj i naučno-istraživačkoj oblasti.



Način ostvarivanja saradnje

Član 2.

Filozofski fakultet pri Univerzitetu "Sv. Kiril i Metodij" u Skoplju i Fakultet za kriminalistiku, kriminologiju i sigurnosne studije pri Univerzitetu u Sarajevu, međusobno će sarađivati kroz razne oblike, a posebno kroz:

1. Promociju individualnih kontakata među akademskim kadrom;
2. Razmjenu akademskog kadra sa oba fakulteta;
3. Razmjenu studenata u cilju promoviranja mogućnosti studiranja na prvom, drugom i trećem ciklusu studija;
4. Mogućnost zajedničkog organiziranja naučno-istraživačkih aktivnosti, konferencija, simpozijuma, seminara, radionica i ulaganja zajedničkih napora za osiguranje finansijskih sredstava iz vanjskih izvora.
5. Razvoj zajedničkih studijskih programa prvog, drugog i trećeg ciklusa studija;
6. Razmjenu naučnih informacija kroz razmjenu naučnih časopisa, elektronskih časopisa, publikacija, udžbeničke literature i drugog stručnog materijala, resursa i usluga na osnovu reciprociteta;
7. Izradu zajedničkih istraživačkih projekata;
8. Izradu programa usavršavanja akademskog kadra;
9. Poticaj aktivnosti od zajedničkog interesa za obje visokoobrazovne institucije.

Dodatni ugovori

Član 3.

Saradnja iz člana 2. ovog Memoranduma, ostvarivaće se shodno Ugovorima koji se dodatno zaključuje o sprovođenju odredbi ovog Memoranduma.

Član 4.

Dekani ugovornih strana mogu odrediti osobu iz reda nastavnika ili saradnika kao koordinatora za realizaciju pojedinih aktivnosti iz ovog Memoranduma.

Rješavanje sporova

Član 5.

Sporovi nastali tijekom sprovođenja ovog Memoranduma će se rješavati sporazumno.

Izmjena Memoranduma

Член 6

Ovaj Memorandum se može izmijeniti i dopuniti uz pisanu saglasnost između Filozofskog fakulteta pri Univerzitetu "Sv. Kiril i Metodij" u Skoplju i Fakulteta za kriminalistiku, kriminologiju i sigurnosne studije pri Univerzitetu u Sarajevu.

